

門 1 津 5
 1105
 卷 1

1 5
 1105
 1-2
 7
 改

大正元
 市島館長氏贈



市島縣立
 圖書館
 藏書


墨江岬田櫻校訂

猷肥侯題詞

山

猷

江戶朱印
書屋再刻



之

如

海

東山先生

好

紫雲石



文瀾齋叢書序



古之著書者。莫非有所懼所憤。而
後。不。得。已。寓。之。言。語。筆。墨。之。間。
焉。仲。尼。之。於。春秋。馬。遷。之。於。史。記。
可。以。見。矣。在。秋。書。纂。輯。書。戰。伐。
書。會。盟。以。至。獲。諸。上。下。二。萬。餘。

年。無一非懼者。史記之傳伯夷。
傳屈原。傳遊俠。以至自序。上下
二千餘年。無一非憤者。故能使
子載之下。懼者以之。而穆然。憤
者得之。而坦然矣。余也。江湖之
逸士。風流自樂者。亦何懼而

何憤哉。今此編。亦其所樂而輯
也。故其取于唐。取于宋。取于元。
取于明。以至滿清。上下千三百餘
年。無一非樂者。吾芥隱生。讀
而示之曰。子與獨樂之。不若與
衆樂之。遂上諸梓。以行於

世。石。去。使。天。下。之。不。樂。者。讀。之。
而。歡。然。陶。然。乎。否。也。文。久。紀。元。
歲。次。辛。酉。秋。九。月。既。望。岸。田。櫻。



文瀾齋袖珍叢書例言

一 墨江先生讀書之間自抄適其意者
久而遂為一大叢書蓋不經意而成
者也余謂天下之寶宜與天下共之
因請鐫之先生笑而頷之乃重請其
校訂以壽於世云

一 雜纂以下至百氏雜學蓋皆先生隨
得錄之也今不順叙其部類者亦存

例言

其舊耳請四方君子勿訝焉

一寶顏堂秘笈所收之書及知不足齋叢書所收類其他諸書刊寫本不一謹擇善本以加校訂如稗史彙編中楊州十日記嘉定屠城紀略則舊排字本而訛謬夥多不得其正之類姑隨原本而已

文久壬戌小春芥隱生里見震謹誌

文瀾齋袖珍叢書

初輯總目

雜纂正編

唐李義山撰

同續

宋王君玉撰

同又續

宋蘇子瞻撰

同三續

明黃允交撰

同新續

清韋光黻撰

初輯總目

廣雜纂

清 顧鐵卿撰

開元天寶遺事

清 王仁裕撰

豪譜

清 高承勲撰

伯子論文

清 魏際瑞撰

叔子論文

清 魏 禧撰

虛字註釋

清 張文炳撰

雜

纂

雜纂

唐 李義山纂

必不來

醉客逃席、客作偷物去、逐王侯

家人、把捧呼狗、窮措大喚妓女、

不相稱

窮波斯、病醫人、不解飲弟子、

雜纂正編

瘦人相撲、肥大新婦、先生不識
字、屠家念經、社長乘涼轎、老
翁入娼家、

羞不出

新婦失禮、尼姑懷孕、相撲人面
腫、富人乍貧、處子犯物議、重
孝醉酒、

怕人知

匿人子女、犯人受寵、透稅、賊
贓、

不嫌

饑得麤食、徒行得劣馬、行久得
坐次、渴飲得冷漿、行急得小船、
遇雨得小屋、

遲滯

新婦見客、窮漢醵率、貧家嫁娶、
謁致仕官、孕婦行步、

不得已

忍病飲酒、大暑赴會、掩意打兒
女、流汗行禮、忍痛灼艾、為妻
罵愛寵、冒暑迎謁、老乞休致、

窮寺院待客

相似

京官似冬瓜暗長、鴉似措大饑寒
則吟、印似嬰兒常隨身、縣官似
虎動則害人、尼姑似鼠入深處、
燕似尼姑有伴方行、婢似猫煖處
便住、

不如不解

措大解音則廢業、婦人解詩則犯物議、僧解飲則犯戒、劣奴解識字則作過、子弟解燒煉則貧、士人解手藝則卑污、

惡不久

夫婦爭小事、罵愛寵、大僚門客

發怒、賊濫官打罵公人、姦汗僧尼罵行童、

惱人

遇佳味脾家不和、終夜歡飲酒罇却空、方謁上官忽背癢、賭博方勝、油盡難尋、淘井漢急尿尿、遣不去無賴窮親、

失本體

不學發遣書題、失子弟體、

弔孝不衰、失凶禮體、

不收拾碗器家事、口中不喃喃、失老

婢體、送客不出門、失主人體、

不闌腰、不持刀砧、失厨子體、

不點檢學生、作課念書、失先生體、

不口打口罵、失節級體、

不早晚禮拜念佛、失僧尼體、

早晚不點檢門戶家私、失家長體、

僕子著鞋襪衣服寬長、失僕子體、

逃席後、不傳語謝主人、失賓客體、

唱小喏、行步遲緩、失武官體、

隔壁聞語

說所送物好還麼、必是不佳、
新娶婦却道是前緣、必是醜、
說太公八十遇文王、必是不達、
說食祿有地、必是差遣不好、
說隨家豐儉、必是待客不成禮數、
說屋子住得恰好、必是小狹、
咒罵祖先、必是家計不成、

富貴相

駿馬嘶、蠟燭淚、栗子皮、荔枝
殼、落花飛、鶯燕語、讀書聲、
遺下花鈿、高樓上吹笛、擣藥碾
茶聲、

謾人語

說風塵有情、說燒煉致富、

說在官課績、說主上見知、
說所入莊課、說愛寵年紀小、
窮縣說官清、自說勤苦讀書、
誇說器皿價例、

酸寒

山縣移市、村縣喝道、村縣待賓、
騾鳴村中、村漢呼雞、村漢著新

衣、牛背吹笛、乞兒驅儻、散樂
打單枝鼓、

不快意

鈍刀切物、破帆使風、樹陰遮景
致、築牆遮山、花時無酒、暑月
背風排筵、

惶愧

犯人忌諱、遇見讐家、欠債不償
逢主、參謁失礼、醒後聞醉語

殺風景

花間喝道、看花淚下、苔上鋪席、
斫却垂楊、花下曝裋、游春重載、
石筍繫馬、月下把火、妓筵說俗
事、果園種菜、背山起樓、花架

下養鷄鴨、對花啜茶、煮鶴燒琴、
不忍聞

孤館猿啼、市井穢語、旅店秋砧
聲、少婦哭夫、老人哭子、落第
後喜鵲、乞兒夜號、居喪聞樂聲、
纔及第便卒、

虛度

花時多病、好時節逼迫、閨官娶
美婦、貧家節日、好家業不和、
貧家好花樹、好景不吟、好廳館
不作會、

不可過

夏月肥漢、入舍妻惡、遭貪酷上
官、惡俗同僚、大暑涉長途、對

麤人久坐、舟中雨漏、茅屋下穢
濕、守令好尋事、

難容

僧道對風塵笑語、僕人學措大體
段、卑幼傲尊長、僕妾攬言語、
武人村夫學書語、

意想

冬月著碧衣似寒、夏月見紅似熱、
入神廟若見鬼、腹大師尼似有孕、
重幙下似有人、過屠家覺羶、見
冰心中涼、見梅齒軟、

惡模樣

作客與主人相爭罵、打球隊罵、
對大僚食咽、僧尼新還俗、筵上

亂叫喚、攬奪人話柄、著鞋臥人
床、未語先笑、作客踏翻臺桌、
對丈人文母唱艷曲、嚼殘魚肉置
盤上、橫箸在羹碗上、

不達時宜

下賤人前談經史、向娼婦吟詩、
認他高貴為親、將主人酒食作人

情、殘食還主人、將男女赴席、
誇男女伎倆、獎男女嬌騃、筵上
包彈品味、強學時樣妝束、食後
不起妨主人、問主人魚肉價、與
寡婦認親往來、喫他飲食不謙讓
借他物、令自來取、入房闢取人
物看、得人恩不思報、向人花園

採果、窮漢說大話、家貧學富人
作客自呼賓、暑月排筵久坐、

悶損人

請貴客不來、惡客不請自來、被
醉人纏住不放、物賤無錢買出
門逢債主、與讐家對坐、大暑逢
惡客、美妾妬妻、

癡頑

有錢不還債、知過不能改、見他
言語強拗、見人文字強評隲、自
不知過強恠人、把酒犯令不受罰、
家貧強作富貴相、

愚昧

背面說人過、好說人家密事、棄

家耽酒、圖他酒食作證人、三頭

二面趨奉人、說六親過惡與外人、

父母在索要分析、會聚不識尊長

位次、有憾於人望人怨、有惠於

人望人報、

時人漸顛狂

無故讐詈他人、酒後呼鬼神、孝

子說歌令、重孝鬪雞走馬、雙言記
恩門、長大漢放風箏、養閒漢出
入、婦女出街坊罵詈、賣田了吉
凶、將田宅與人作保、

非禮

呼兒孫表德、母在呼舅作渭陽、
對父母呼妻弟、聽妻話怙尊長、

祭亡人却動樂、徑入他人房闥、
枉屈

好父母無好子、好兒無好婦、好
女無好婿、有錢不會使、好衣不
會著、好廳館不灑掃、有足帛不
裝著、好顏色不解足配、好妾驅
使重難事、惜錢有病不醫、男女

長成不教、家藏書不解讀、明月
夜早睡、有好花不吟詩、酌酒、近
好山水不遊玩、有美味慳藏臭腐、
清要官自犯贓罪、有美質懶惰廢
業、權在手不作好事、年少時好
閒不習事、
不祥

卧喫食、無事嗟歎、卧床上唱曲、
露頂喫食、露頂寫字、牽父母作
呪誓、搥胸罵人、薦上坐、對日
月大小便、散髮、未食碗中先插
匙箸、

須貪

家有懶婦、早卧晚起、養子不及

父、作債追陪、倉庫不點檢、
莊園不收拾、拋撒飲食、愛賭博
飲酒、漫藏無用物、狼籍米穀、
棄業逐樂、家事不愛惜、多蓄愛
寵、好遷移不止、好結納權貴、
慳不中禮、物貴爭買、物賤反不
買、多作淫巧、遮蓋家人作非為

事、

必富

勤求儉用、見藝廣學、常點檢家
事、不迷酒色、不欠債負、奴婢
解耕織、夜眠早起、家養六畜、
耕作不失時、及時收藏、子弟一
心、主母不信佛、諸婦和諧、

不嫌麤疎、財物有簿籍、積少成
多、買賣不失時、物料不作踐

有智能

立性有守、密事機藏、結交有智
人、臨事覺悟、酒後不多語、
避他人忌諱、博古知今、不習賤
劣事、不妄自逞能、尊敬有德、

不親近小人、不妄信奴僕、入門
問諱、入境問風俗、夜間常醒睡、
有疑問人、不共愚人爭是非、

教子

習祖業、立言不回、知禮義廉耻、
精修六藝、談對明敏、進退威儀、
忠良恭儉、孝敬慈惠、博學廣覽、

交遊賢者、不事嬉遊、有守、遇事有知識、

教女

習女工、議論酒食、溫良恭儉、修飾容儀、學書學算、小心軟語、閨房貞潔、不唱詞曲、聞事不傳、善事尊長、

失去就

卸起帽共人言語、罵他人家奴婢、鑽壁窺人家、不敲門直入人家、席面上不慎涕唾、主人未請先上廳坐、開人家盤合書啓、主人未揖食先舉箸、衆食未了先卸箸、探手隔坐取物、

強會

見他文籍強披覽、見他鞍馬逞乘
騎、見他弓矢強彈射、見他物件
強評價色、見他文字強彈駁、
見他人家事強處置、見他鬪打強
助拳、見他評語強斷是非、

無見識

不說事因先罵人、不問道理隨人
做事、俗人學僧家道場、遇事不
分別是非、縱兒子學樂藝、縱兒
子籠養、男兒學女工、要小下便
宜、不得飲酒至醉、不得獨入寡
婦人家、不得戲取物不言、不得
開人私書、不得借人物用經旬不

還

雜纂正編

